



UKA 2022/70

13/10-2022

Nivi Olsen

Inatsisartut aalajangiiffigisassaattut siunnersuut, Naalakkersuisut peqquneqassasut misissuissasut Royal Arctic Line Kalaallit Nunaannut avammullu assartuinissamut sullissinissamik akuersissutaata atuukkunnaarsinneqassappat pitsaaqutissai ajoqqutissaalu, taamatuttaarlu assartuinnermut unammilleqatigiinneq eqqullugu. Misissuineq takussutississavaa sullissinissamik akuersissut peerlugu unammilleqatigiinnermillu eqqussineq aningaasatigut kingunissai qanoq isikkoqarnersut. Misissuineq Inatsisartunut UKA 2023 nallertinnagu tunniunneqassaaq.

(Inatsisartunut ilaasortaq Jens-Frederik Nielsen, Demokraatit)

(Siullermeerneqarnera)

Tamanut atuuttoq imaappoq, maani nunatsinni pisortanit pigineqartunit kisermaassillutik ingerlatsivinnik peqarpallaarnerput. Annertunerujussuarmik misissuisariaqarpugut, ingerlatsiviit sorliit unammillersinnaanermut ammaanpeqartariaqarnersut namminersortunngorsarneqartariaqarnersullu, taamaalillutik atuisut inuussutissarsiortullu akitigut unammillersinnaasunik periarfissinneqassammata.

Iluaqutaanngilluinnarpormi, qiviimiataaginnarluta pisarnertut ingerlaannassagutta . Allatut eqqarsartariaqarpugut, nunatut innuttaasutullu ineriartussagutta.

Pivusoq imaappoq, Royal Arctic Line ukiorparujussuarni Kalaallit Nunaannut Kalaallit Nunaanniillu immakut assartuussinermut kisermaassilluni ingerlatsisimammat. Imaassinnaavoq, qanga aaqqineq pitsaanerpaajusimasoq, kisiannili naatsorsuutigisinnaanngilaarput periarfissani sulii pitsaanerpaajunersoq. Tamanna misissortariaqarparput soorlu Inatsisartunut ilaasortamit Jens-Frederik Nielsen-imit siunnersuutigineqartoq.

Siunnersuut isumaqatigaarput misissuinissallu atuarnissaa qilanaaralugu.

Siunnersuut Sanaartornermut ataatsimiititaliamut suliaannangorlugu innersuupparput.